



放翁題跋

目錄

卷之一

真廟賜馮侍中詩

高宗聖政草

高宗賜趙延康御書

高皇御書二則

今上皇帝賜包道成御書崇道庵額

放翁題跋

目錄

汲古閣

跋尹耘師書劉隨州集

跋唐御覽詩

跋文武兩朝獻替記

跋杲禪師蒙泉銘

跋修心鑑

跋邵公濟詩

跋坐忘論

跋查元章書



跋高象先金丹訣二則

跋天隱子

跋造化權輿

跋老子道德古文

跋卍菴語

跋武威先生語錄

跋關著作行記

跋司馬子微餌松菊法

放翁題跋

目錄

跋周茂叔通書

跋岑嘉州詩集

跋二賢像

跋山谷先生三榮集

跋硯錄香法

跋唐修撰手簡

跋蔡君謨帖

跋瘞鶴銘

汲古閣

跋西崑酬唱集

跋歷代陵名

跋溫庭筠詩集

跋王君儀待制易說

跋崔正言所書書法要訣

跋後山居士詩話

跋佛智與升老書

跋古柏圖

放翁題跋

目錄

卷之二

汲古閣

跋中和院東坡帖

跋漢隸

跋晁百谷字敘

跋陵陽先生詩草

跋荆公詩

跋續集驗方

先左丞使遼語錄

跋朝制要覽

跋東坡問疾帖

跋東坡詩草

跋孫府君墓誌銘

跋蘇魏公百韻詩

跋家藏造化權輿二則

跋三蘇遺文

跋兼山先生易說二則

放翁題跋

目錄

汲古閣

跋鄭虞任昭君曲

跋傅正議至樂菴記

跋中興間氣集二則

跋齊驅集

跋柳柳州集二則

跋說苑

跋章氏辨誣錄

跋釣臺江公奏議

先太傅遺像

跋高康王墓誌

跋半山集

跋李深之論事集

跋李莊簡公家書

跋之罍先生橐

跋吳夢子詩編

跋松陵集三則

放翁題跋

目錄

跋王仲言乞米詩

跋金奩集

跋韓非子

跋却掃編

跋彩選四則

跋陝西印章二則

跋詩橐

跋祕閣讀帖張長史率意帖

跋王深甫先生書簡

跋郭德誼墓誌銘二則

跋郭德誼書

卷之三

跋後山居士長短句

跋蘇氏易傳

跋資暇集

跋法帖二則

放翁題跋

目錄  
六

汲古閣

跋蘭亭樂毅論并趙歧王帖

跋蔡肩吾所作蘧府君墓誌銘

跋原隸

跋京本家語二則

跋李徂徠集

跋劉文老使君義居遺戒

跋無逸講義

跋東坡帖

跋東坡祭陳令舉文

跋劉凝之陳令舉騎牛圖

跋東坡七夕詞後

跋張監丞雲莊詩集

跋淵明集

跋陸史君廟籤

跋巴東集

跋呂侍講歲時雜記

放翁題跋

目錄  
七

汲古閣

跋許用晦丁卯集

跋李涪刊誤

跋歸去來白蓮社圖

跋釋氏通紀

跋毛仲益所藏蘭亭

跋魏先生草堂集

跋王輔嗣老子

跋前漢通用古字韻編

跋胡少汲小集

跋曉師顯應錄

跋范巨山家訓

跋張安國家問

跋坐忘論

跋唐盧肇集

跋居家雜儀

跋皇甫先生文集

放翁題跋

目錄

跋南堂語

汲古閣

跋注心賦

跋朱新仲舍人自作墓誌

跋黃魯直書

卷之四

跋蘭亭序

跋李少卿帖

跋樂毅論

跋李朝議帖

跋東方朔畫贊

跋李虞部與范忠宣公啟

跋范文正公書

跋東坡帖

跋盧叟父絕句

跋四三叔父文集

跋王右丞集

放翁題跋

目錄  
九

汲古閣

跋歐陽文忠公疏草

跋盤澗圖

跋爲瑛師書維摩經

跋東坡諫疏草

跋東坡代張文定上疏草

跋楊處士村居感興

跋朱氏易傳

跋晁以道書傳

跋嵩山景迂集

跋任德翁梁桴集

跋洪慶善帖

跋蒲郎中易老解

跋陸子彊家書

跋子聿所藏國史補

跋火井碑

跋韓晉公牛

放翁題跋

目錄

跋画橙

跋臨帖

跋米老画

跋潘鹵老帖

跋蔣林帖

跋陳魯公所草親征詔

跋蔡忠懷送將歸賦

跋東坡書髓

汲古閣

跋范元卿舍人書陳公實長短句後

跋謝師厚書

跋雲丘詩集後

跋呂舍人九經堂詩

跋韓忠獻帖

跋高大卿家書

卷之五

跋諸晁書帖

放翁題跋

目錄  
十一

汲古閣

跋南城吳氏社倉書樓詩文後

跋六一居士集古錄跋尾

跋林和靖詩集

跋米元暉書先左丞海岱樓詩

跋蘇丞相手澤

跋韓幹馬

跋義松

跋林和靖帖

跋東坡集

跋陶靖節文集

跋三近齋餘錄

跋望江麴君集

跋吳越備使二則

跋僧帖

跋卿師帖

跋松陵倡和集

放翁題跋

目錄  
十二

跋潛虛

汲古閣

跋呂成未和東坡尖义韻雪詩

跋花間集二則

跋韓晉公字母牘

跋韓立道所藏蘭亭序

跋龔氏金花帖子

跋曾文清公奏議稿

跋曾文清公詩稿

跋魚計賦

跋徐待制詩稿

跋周益公詩卷

跋樊川集

跋周侍郎奏稿

跋周侍郎尋姊妹帖

跋鮑參軍文集

跋南華真經

放翁題跋

目錄  
十三

跋與周監丞書

再跋皇甫先生文集後

跋漢文帝後元年三月詔

跋張魏公與劉察院帖

跋世父大夫詩稿

卷之六

跋魯直書大戴踐阼篇

跋唐昭宗賜錢武肅王鐵券文

跋司馬端衡画傳燈圖

跋呂伯芾書後

跋張敬夫書後

跋劉戒之東歸詩

跋秦淮海書

跋柳書蘇夫人墓誌

跋朱希真所書雜鈔

跋爲子適書詩卷後

放翁題跋

目錄  
十四

跋呂文靖門銘

跋傅給事竹友詩稿

跋陳伯予所藏樂毅論

跋伯予所藏黃州兄帖

跋詹仲信所藏詩稿

跋陳伯予所藏蘭亭帖

跋坡谷帖

跋山谷書陰真君詩

跋呂尚書帖

跋傅給事帖

跋熊舍人四六後

跋臨汝志

跋尼光語錄

跋程正伯所藏山谷帖

跋張待制家傳

跋柳氏訓序

放翁題跋

目錄十五

汲古閣

跋祠部集

跋消災頌

跋肇論

跋先楚公奏檢

跋宗元先生文集

跋韓子蒼語錄

跋孟浩然詩集三則

跋出疆行程

跋李衛公集

跋徐節孝語

跋趙渭南詩集

跋石鼓文辨

跋西崑酬唱集

跋兼山家學

跋淮海後集

跋張季長中庸辨擇

放翁題跋

目錄  
十六

汲古閣

跋法書後

跋李太白詩

跋重廣字說

跋巖壑小集

跋王元澤論語孟子解

放翁題跋目錄

終

放翁題跋卷之一

宋 山陰陸游

明 古虞毛晉 訂

真廟賜馮侍中詩

某家舊藏孝嚴殿繪像先正侍中馮公在焉冠劍  
偉然與大行黃河氣象相埒每稽首歎曰侍中輔  
相兩朝更天下大變而社稷奠安夷狄讐服鉏耰  
萬里無犬吠之警有以也夫晚待罪新定公之孫  
放翁題跋

卷之一

汲古閣

願出示章聖皇帝賜詩又以想見一時盛事恨不  
生其時俯伏沙隄旁窺望風采云

高宗聖政草

某被命修光堯皇帝聖政草初凡例網羅放逸雖  
寢食間未嘗置也然不敢以稿畱私篋暇日偶追  
記得此命兒輩錄之隆興二年六月一日左通直  
郎通判鎮江軍府事陸某記

高宗賜趙延康御書



右知金壇縣趙君師懇錄高宗賜其大父延康公  
書及延康移僞楚書共爲一編以示史官陸某某  
曰延康在宣和靖康間聲望風采震耀一時及守  
宛丘百戰禦狂虜卒全其城視唐代張巡許遠顏  
眞卿皆過之來朝行在高皇蓋欲以左轄命之議  
者謂宗室輔政非故事遂止方公之南徙也謝表  
有云臣本支百世侍從三朝又云堅壁以保近畿  
慨前功之俱廢登壇而陪盛禮懷曩遇以自憐讀  
放翁題跋

卷之一

汲古閣

者悲之某又嘗於公從孫師嚴有翼家見公建炎  
奏議稿一編皆人所至難言者不知此稿皆在鑑  
堂集中否或可訪於有翼院中以補逸遺敢併以  
告嘉泰癸亥歲三月丙申臣某謹識

高皇御書二

臣某少時與胡尚書之子杞同學於雲門山中見  
高皇帝賜尚書御題扇曰文物多師古朝廷半老  
儒蓋黃體也與此手詔絕相類後數年蒙收召得

面天顏距今四十四年矣伏讀霽涕不知所云嘉  
泰癸亥五月一日史官臣陸某謹題

又

臣某伏觀高皇帝御天下幾二十年進用諫官御  
史皆出聖選故往往躡至相輔其不合者猶爲侍  
從乃去如施公財任遺補卽出守小郡蓋無幾人  
則其犯顏拂指不撓於權倖可以想見而上之知  
人受盡言有仁祖用范仲淹唐介之風矣惜乎施  
放翁題跋

卷之一

汲古閣

公遽逝去不及召用於虜悲夫開禧乙丑九月一  
日故史官陸某謹書

今上皇帝賜包道成御書崇道菴額

開禧某年某月甲子皇帝親御翰墨書崇道菴三  
字賜竒行先生臣包道成以示故史官臣陸某將  
刻之石具載歲月及被賜之由示天下後世臣某  
竊聞臣道成實晉陵人少學黃老之說以勛身濟  
衆爲事寓跡都城三十餘年築堂以居凡以黃冠

褐衣至者靡不館之往來千人蓋嘗有神僊異人  
混於衆中道成獨默識之而不言會稽光孝觀故  
名乾明天聖間章獻明肅皇后遣中使築之久壞  
不葺道成談笑復其舊凡都城橋梁道路皆力治  
之費至緡錢百餘萬建東嶽廟吳山上旣成又卽  
其傍築室以奉真武左江右湖氣象雄麗而道院  
屹立於廡外鐘磬步虛之聲在雲霄間都人爲之  
心駭神竦於是皇帝聞而異之故有烏榜之賜臣

放翁題跋

卷之一  
四

汲古閣

某犬馬之年駸駸九十獲在聖主仁壽域中且嘗  
獲紬繹三朝金匱石室之藏今雖篤老猶幸未病  
廢得以紀稀濶盛事豈非幸哉開禧二年歲在丙  
寅三月某日太中大夫充寶謨閣待制致仕山陰  
縣開國子食邑五百戶賜紫金魚袋臣陸某昧死  
稽首再拜謹書

跋尹耘師書劉隨州集

傭書人韓文持束紙支頭而睡偶取視之劉隨州

集也乃以百錢易之手加裝褫紹興二十五年正月八日陸某記

尹耘師耕鄉里前輩與九伯父及先君游此集蓋其手抄云紹熙元年七月望某再跋

跋唐御覽詩

右唐御覽詩一卷凡三十人二百八十九首元和學士令狐楚所集也按盧綸墓碑云元和中章武皇帝命侍臣采詩第名家得三百一十篇公之章

放翁題跋

卷之一  
五

汲古閣

句奏御者居十之一今御覽所載綸詩正三十二篇所謂居十之一者也據此則御覽爲唐舊書不疑然碑云三百一十篇而此纔二百八十九首蓋散逸多矣姑按定訛謬以俟完本御覽一名唐新詩一名選集一名元和御覽云紹興乙亥十一月八日吳郡陸某記

跋文武兩朝獻替記

學者當以經綸天下自期此書不可不見也但傳

本謬誤幾不容讀以它書尋繹之十得四五云紹興丙子臘日務觀題

跋杲禪師蒙泉銘

右妙喜禪師爲良上人所作蒙泉銘一首往予嘗晨過鄭禹功博士坐有僧焉予年少氣豪直據上坐時方大雪寒甚因從禹功索酒連引徑醉禹功指僧語予曰此妙喜也予亦不辭謝方說詩論兵旁若無人妙喜遂去其後數年予老於憂患志氣放翁題跋

卷之一  
六

汲古閣

摧落念管之狂痛自悔責然猶冀一見作禮懺悔孰知此老遂棄世而去邪雖然良公蓋一世明眼衲子不知予當時是卽今是試爲下一轉語隆興改元十一月五日笠澤漁隱陸某書

跋修心鑑

右高祖太傅公修心鑑一篇初公生七年家貧未就學忽自作詩有神僊語觀者驚焉晚自號朝隱子嘗退朝見異人行空中足去地三尺許邀與俱

歸則古僊人嵩山栖真施先生肩吾也因受鍊丹  
辟穀之術尸解而去然其術祕不傳今惟此書尚  
存某旣刻版傳世并以七歲吟及自贊附卷末庶  
幾篤志方外之士讀之有所發焉亦公之遺意也  
隆興二年七月二日元孫某謹書

跋邵公濟詩

先子入蜀時與邵子文遇於長安同遊興慶池有  
詩倡酬相得驩甚夜讀公濟詩超然高逸恨未嘗  
故翁題跋

卷之一  
七

汲古閣

得講世舊與文盟也乾道元年五月十八日笠澤  
漁隱陸某書

跋坐忘論

司馬子微師體玄先生潘師正體玄師昇玄先生  
王遠知昇玄師貞白先生華陽隱居陶弘景故體  
玄語子微曰吾得陶隱居正一法逮汝四世矣乾  
道二年天慶節借玉隆藏室本傳漁隱子手記

跋查元章書

李份事士大夫謹以故得書帖多不可數然閱其書至不敢與他札偕藏者元章吏部一人而已份一吏耳知敬元章如此豈知元章仕於朝既不容去而居幙府又不容自引於數千里外赤甲白鹽之間乃少安嗚呼亦可歎也夫丙戌上元後三日漁隱書

跋高象先金丹訣

右玉隆萬壽觀本序言有注解而不傳亦不知序

放翁題跋

卷之一  
八

汲古閣

者爲何人也丙戌二月八日務觀書

又

國初有高象先淳化中爲三司戶部副使少從戚同文學與宗度許驥陳象輿郭成範王礪滕涉齊名不言其所終亦不知其鄉里恐卽此人然序言名先字象先又似別一人神仙隱顯不可必知聊記之耳辛亥炊熟日書

跋天隱子

最後易簡漸門二說非天隱子本語他日錄本當去之丙戌三月中休傳本於玉隆萬壽宮漁隱東坡先生以爲天隱子真司馬子微所著也傳本後二十五年紹熙庚戌冬至日書

跋造化權輿

先楚公著埤雅多引是書然未之見也乾道三年孟夏十八日傳自玉隆藏室甫里陸某謹題

跋老子道德古文

放翁題跋

卷之一  
九

汲古閣

右漢嚴君平著道德經指歸古文此經自唐開元以來獨傳明皇帝所解故諸家盡廢今世惟此本及貞觀中太史令傅奕所校者尚傳而學者亦罕見也予求之踰二十年乃盡得之玉笈藏道書二千卷以此爲首漁隱陸某題乾道二年十月十日

跋卮菴語

乾道庚寅十月入蜀舟過公安二聖見祖珠長老得此書珠自言南平軍人得法於卮菴云

跋武威先生語錄

豐清敏公爲中執法論事上前曰司馬光呂公著皆忠賢何爲引赦復官赦當及有罪耳無罪何赦也徽祖曰光等變先帝法度非罪乎清敏公頓首曰誠當變無可罪者方元符建中間衆正畢集於朝天下喁喁想望太平清敏公與陳忠肅公俱極諫官御史之選而所以言則有婉直之異吾先大父楚公每以爲二公之論皆不可廢蓋忠肅似孟放翁題跋

卷之一

汲古閣

子說齊而清敏似伯夷諫周其歸一也今觀武威先生之論又甚似清敏百世之下志士仁人得此書讀之當有太息流涕者矣乾道七年立秋日山陰陸某書

跋關著作行記

著作關公出使峽中風采峻甚仕者人人震慄莫敢仰視某以孤生起臯籍萬里佐州淺闇滯拙自期且汰去而關公獨厚遇之舉酒賦詩談臺閣舊

事忘其位之重也公免歸之明年某以事至臥龍山咸平寺長老惠璉言公往有行記今將刻之石因屬某書其末某曰方關公之門可炙手時此書伏不出今公歸臥青城山中賓客解散形勢一變而璉方刻其書爲不朽計嗟乎足以愧士大夫矣乾道七年七月七日左奉議郎通判夔州軍州主管學事陸某謹識

跋司馬子微餌松菊法

放翁題跋

卷之一  
十一

汲古閣

乾道初予見異人於豫章西山得司馬子微餌松菊法文字古奧非妄庸所能附託八年又得別本於蜀青城山之丈人觀齋戒手授傳之同志十二月六日笠澤漁翁陸務觀書於玉華樓

跋周茂叔通書

濂谿之生也世但以佳士許之耳旣死蒲左轄作誌黃太史作詩其稱述亦不過如此向使無二程先生後世豈知濂谿爲大儒傳聖人之道者邪以

此知士之埋沒無聞者何可勝計乾道壬辰十二月十五日成都驛南窗書

跋岑嘉州詩集

予自少時絕好岑嘉州詩往在山中每醉歸倚胡床睡輒令兒曹誦之至酒醒或睡熟乃已嘗以爲太白子美之後一人而已今年自唐安別駕來攝犍爲旣画公像齋壁又雜取世所傳公遺詩八十餘篇刻之以傳知詩律者不獨徇此邦故事亦平

放翁題跋

卷之一  
十二

汲古閣

生素意也乾道癸巳八月三日山陰陸某務觀題

跋二賢像

右孟貞曜歐陽率更二像皆唐人筆墨北湖者吳則禮子傳也無悔者劉燾無言也最後實先君會稽公茶山先生曾文清公書萬里羈旅不自意全撫卷流涕乾道九年九月旣望刻石置漢嘉月榭

上山陰陸某識

跋山谷先生三榮集

予集黃帖得贈元師及王周彥三詩甚愛之有黃  
淑者家三榮見而笑曰紹興中再刻本也舊石方  
黨禁時已磨毀矣乃出此卷曰是舊石本其筆力  
精勁蓋如此因錄藏之淳熙之元二月二日務觀  
書

跋硯錄香法

硯錄舊有本而亡之香法蓋未之見師房者濟南  
衛昂也娶婆娑先生崔德符女晚官巴硤歿焉乾  
放翁題跋

卷之一  
十三

汲古閣

道辛卯冬予得此編於巫山縣師房手鈔也已腐  
敗不可讀乃錄藏之後三年淳熙之元二月三十  
日蜀州漱玉南窗務觀書

跋唐修撰手簡

某之曾外大父質肅唐公守并州故給事中呂公  
實爲幙客質肅爲人方嚴少許可或面折人臨川  
王和甫同時在幙中每言見唐公退輒汗滿握然  
遇呂公特歡他客莫敢望也淳熙元年某在蜀州

得質肅仲子修撰公與給事手帖讀之蓋元祐初  
修撰使河北給事爲御史時也書論黃河市易辭  
指激烈無一語及其私與世俗責報父客至有違  
言者何其遠哉修撰字君益元祐中建議棄渠陽  
城紹聖初坐貶團練副使元符建中之間起守許  
昌方治事得報召蔡京撫案憤咤卽日疽發背卒  
某不及拜公而先夫人爲言公大節如此敢併記  
之以遺給事之孫教授君云七月二十三日山陰  
放翁題跋

卷之一  
十四

汲古閣

陸某謹書

跋蔡君謨帖

近歲蘇黃米芾書盛行前輩如李西臺宋宣獻蔡  
君謨蘇才翁兄弟書皆廢此兩軸君謨真行草隸  
皆備石在仙井可寶也淳熙元年九月八日蜀州  
手裝

跋瘞鶴銘

瘞鶴銘予親至焦山摹之止有此耳殘璋斷珞當

以真爲貴豈在多邪淳熙之元九月一日蜀州重裝

跋西峴酬唱集

通直郎張玠河陽人呂汲公家外甥藏書甚富淳熙二年正月八日夜讀此集燈架忽仆壞書時傳畢方一日豈歐尹諸人亦有靈邪記之爲異時一笑

跋歷代陵名

放翁題跋

卷之一  
十五

汲古閣

三榮守送來近世士大夫所至喜刻書版而略不校讎錯本書散滿天下更誤學者不如不刻之愈也可以一歎淳熙乙未立冬可齋書

跋溫庭筠詩集

先君舊藏此集以華清宮詩冠篇首其中有早行詩所謂雞聲茅店月人跡板橋霜者久已墜失得此集於蜀中則不復見早行詩矣感歎不能自己淳熙丙申重陽日某識

跋王君儀待制易說

王公易學雖出於孫光張先生然得於心者多矣  
建炎間胡騎在錢塘明越俱陷王公端居於嚴曰  
虜決不至此且狼狽而歸自此窮天地不復渡江  
矣其妙於易數蓋如此淳熙丁酉元日山陰陸某  
書於錦官閣下

跋崔正言所書書法要訣

德符詩名一代書則未之見也觀此編中字瘦健

放翁題跋

卷之一  
十六

汲古閣

有神采亦類其詩乃知前輩未易以一技名也戊  
戌重午務觀書

跋後山居士詩話

談叢詩話皆可疑談叢尚恐少時所作詩話決非  
也意者後山嘗有詩話而亡之妄人竊其名爲此  
書耳後山二子豐登登過江爲會稽曹官李鄴降  
虜登亦被驅以北悲夫淳熙戊戌十月二十四日  
可齋

跋佛智與升老書

此一編佛智禪師與其法子寒巖升公書也議論超卓殆非世儒所及三復歎仰淳熙己亥三月九日建安雙清堂書

跋古柏圖

此圖吾家舊藏予居成都七年屢至漢昭烈惠陵此柏在陵旁廟中忠武侯室之南所謂先主武侯同闕宮者與此略無小異則画工亦當時名手也

放翁題跋

卷之一  
十七

汲古閣

淳熙六年龍集己亥六月一日陸某識

放翁題跋卷之一

一

放翁題跋卷之二

跋中和院東坡帖

此一卷皆蘇仲虎尚書所藏鑒定精審無一帖可疑者刻石在成都大聖慈寺中和勝相院淳熙六年六月十七日陸務觀題

跋漢隸

漢隸十四卷皆中原及吳蜀真刻淳熙己亥集於建安公署友人莆陽方士繇伯暮親視裝標故無放翁題跋

卷之二

汲古閣

一字差謬者六月二十一日山陰陸某書

跋晁百谷字叙

名者士所願也而或懼太早何哉吾測之審矣少而得名我不能不矜人不能不忌以滿假之心來讒慝之口幾何其不躋也吾元歸年甫二十筆力扛鼎不患無名患太早耳雖然洪道方力張其名而吾獨欲其退避揜覆元歸未必樂也異時出入朝廷更歷世故會當思吾言也夫淳熙庚子二月

三日山陰陸某書

跋陵陽先生詩草

右陵陽先生韓子蒼詩草一卷得之其孫籍先生詩擅天下然反覆塗乙又歷疏語所從來其嚴如此可以爲後輩法矣予聞先生詩成旣以予人久或累月遠或千里復追取更定無毫髮恨迺止則此草亦未必皆定本也大歇菴詩一章徐師川作而先生手錄之亦足見其無咎人爭名之病矣故放翁題跋

卷之二  
二

汲古閣

附見卷中淳熙庚子四月二十二日笠澤陸某書

跋荆公詩

右荆公手書詩一卷前六首贈黃慶基後七首贈鄧鑄石刻皆在臨川淳熙七年七月十七日陸某謹題

跋續集驗方

予家自唐丞相宣公在忠州時著陸氏集驗方故家世喜方書予宦遊四方所獲亦以百計擇其尤

可傳者號陸氏續集驗方刻之江西倉司民爲心齋淳熙庚子十一月望日吳郡陸某謹書

先左丞使遼語錄

右先楚公使遼錄一卷三十八伯父手書伯父自幼被疾以左手書然筆力清健如此平生凡鈔書至數十百卷云淳熙八年四月五日某謹識

跋朝制要覽

先君會稽公晚歲喜觀此書間爲子弟講論因革

放翁題跋

卷之二  
三

汲古閣

率至夜分先君捐館舍三十有四年統得此於故廬伏讀悲哽敬識卷末淳熙八年龍集辛丑十一月二十五日山陰陸某書

跋東坡問疾帖

東坡先生憂其親黨之疾委曲詳盡如此則愛君憂國之際可知矣其曰勿使常醫弄疾天下之至言讀之使人感歎彌日淳熙九年五月乙未甫里陸某書

跋東坡詩草

東坡此詩云清吟雜夢寐得句旋已忘固已奇矣  
晚謫惠州復出一聯云春江有佳句我醉墮渺莽  
則又加於少作一等近世詩人老而益嚴蓋未有  
如東坡者也學者或以易心讀之何哉淳熙九年  
五月二十六日玉局祠吏陸某書於鏡湖下鷗亭  
跋孫府君墓誌銘

方五代割裂時自一郡以上非其國子弟則大將

放翁題跋

卷之二  
四

汲古閣

功臣也士大夫仕爲令掾者已爲達官錢氏土境  
尤蹙而孫公至專城蓋其國顯人也觀杜公所述  
亦誠有以得之矣淳熙壬寅立秋日甫里陸某

跋蘇魏公百韻詩

右首一卷丞相魏公謝事歸第且八十時所作也  
蘇端明賀趙清獻公得謝啓云念平生之百爲一  
無可恨某於魏公亦云淳熙壬寅立秋日吳郡陸  
某謹識

跋家藏造化權輿

右造化權輿六卷楚公舊藏有九伯父大觀中題  
字淳熙壬寅得之故第廢紙中用別本讎校而闕  
其不可知者兩本俱通者亦具疏其下六月四日  
山陰陸某謹記

後十有四年慶元元年八月十二日重校凡三日  
而畢時年七十一

跋三蘇遺文

放翁題跋

卷之二  
五

汲古閣

此書蜀郡呂商隱周輔所編周輔入朝爲史官得  
唐安守以歸未至家暴卒良可悲也淳熙十一年  
正月十一日務觀識

跋兼山先生易說

郭立之從程先生遊最久程先生病革猶與立之  
有問會語著於語錄而尹彥明獨謂立之自黨論  
起卽與程先生絕死亦不弔祭蓋愛憎之論也立  
之子雍字子和屏居峽中屢聘不起亦著易說得

其家學蓋程氏易學立之父子實傳之淳熙甲辰  
二月三十日甫里陸務觀云

後六年得謝昌國所贈頤正先生辨尹公說乃知  
予此言麤合也頤正卽雍也已酉八月二十八日  
某書

跋鄭虞任昭君曲

自張文潛下世樂府幾絕吾友鄭虞任作昭君曲  
如羊車春草空芊芊及重瞳光射搔頭偏之類文  
放翁題跋 卷之二  
六 汲古閣  
潛殆不死也但願夕烽長不驚甘泉妾身勝在君  
王前能道昭君意中事者淳熙甲辰三月二十三  
日甫里陸某書

跋傅正議至樂菴記

伏波將軍困於壺頭曳病足土室中以望夷賊左  
右哀之莫不爲流涕定遠侯在西城三十年年老  
思土上書自言願生入玉門關詞指甚哀彼封侯  
富貴矣然戚戚無聊乃如此其他盈滿詭脆畏禍

憂誅願爲布衣不可得者又何可勝歎然則富貴  
果不如貧賤之樂邪曰此自富貴者言之耳貧賤  
之士仕則無路處則無食自非有道君子其憂又  
有甚者矣正議傅公在學校二十年聲震京師同  
舍生去爲公卿者袂相屬而公始僅得一第既仕  
矣適時艱難妄男子往往起閭巷取美官公又棄  
不用則亦何自樂哉及讀所作至樂菴記自道其  
胸中恢疎磊落所以樂而忘憂者文辭辯麗動人  
放翁題跋

卷之二  
七

汲古閣

有列禦寇莊周之遺風然後知公益有道者或曰  
使天以富貴易公之樂公其許之乎予曰公所以  
處貧賤者則其所以處富貴也顏回之簞瓢周公  
之袞繡一也觀斯文者盍以是求之淳熙十一年  
七月十六日山陰陸某謹書

跋中興間氣集

高適字仲武此乃名仲武非適也評品多妄蓋淺  
丈夫耳其書乃傳至今天下事出於幸不幸固多

如此可以一歎淳熙甲辰八月二十九日放翁書  
高適字仲武此集所謂高仲武乃別一人各仲武  
非適也議論凡鄙與近世宋百家詩中小序可相  
甲乙唐人深於詩者多而此等議論乃傳至今寧  
固有幸不幸也然所載多佳句亦不可以所託非  
其人而廢之

跋齊驅集

此集刻版於宣和三年方是時黨禁猶未解文士

放翁題跋

卷之二

汲古閣

蓋僅有見故本多誤然好事者冒法刻之亦奇矣  
淳熙甲辰重午日陸務觀書

跋柳柳州集

此一卷集外文其中多後人妄取他人之文冒柳  
州之名者聊且哀類於此子京

右三十一字宋景文公手書藏其從孫晁家然所  
謂集外文者今往往分入卷中矣淳熙乙巳五月  
十七日務觀校畢

跋說苑

李德芻云館中說苑二十卷而闕反質一卷曾鞏  
乃分修文爲上下以足二十卷後高麗進一卷遂  
足淳熙乙巳十月六日務觀書

跋章氏辨誣錄

徽宗皇宗盛德大度自秦漢以來人主莫能及者  
尤在友愛蔡王寬貸章惇而史臣不能發明可爲  
太息淳熙丙午十月望陸某謹題

放翁題跋

卷之二  
九

汲古閣

跋鈞臺江公奏議

某乾道庚寅夏得此書於臨安後十有七年蒙恩  
守桐廬訪其家復得三表及贈告墓志因併刻之  
以致平生尊仰之意淳熙十三年十一月十有六  
日笠澤陸某書

先太傅遺像

先太傅皇祐中以吏部郎中直昭文館自會稽移  
守新定期年請老得分司西京以歸迨今百四十

年而某自奉祠玉局起爲是邦實繼遺躅於是知  
建德縣事蘇君林以父老之請築祠宇於兜率佛  
寺淳熙十四年春正月丙辰備車旗儀物大合樂  
奉遺像於祠且以公自贊道帽羽服像刻之堅珉  
慰邦人無窮之思朝隱子蓋公自號云元孫朝請  
大夫權知嚴州軍州事陸某謹書

跋高康王墓誌

王岐公文章閎麗有西漢風而宋常山公書法森

放翁題跋

卷之二

汲古閣

嚴實傳鍾張古學方裕陵致孝實慈極天下養故  
竝命兩公彰顯高氏先王功烈以詔萬世可以爲  
寵光矣中更亂離而墨本寶藏如新殆有神物護  
持云淳熙十四年二月三日笠澤陸某謹識

跋半山集

右半山集二卷皆荆公晚歸金陵後所作詩也丹  
陽陳輔之嘗編纂刻本於金陵學舍今亡矣淳熙  
戊申上巳日笠澤陸某書

跋李淡之論事集

唐丞相司空李公淡之論事集有兩本其一本七卷無序其一本一卷史官蔣偕作序然以序考之則偕所序蓋七卷者也淳熙戊申四月十九日笠澤陸某識

跋李莊簡公家書

李文參政罷政歸鄉里時某年二十矣時時來訪先君劇談終日每言秦氏必曰咸陽憤切慨慷形

放翁題跋

卷之二  
十一

汲古閣

於色辭一日平旦來某飯謂先君曰聞趙相過嶺悲憂出涕僕不然謫命下青鞵布鞵行矣豈能作兒女態邪方言此時目如炬聲如鐘其英偉剛毅之氣使人興起後四十年偶讀公家書雖徙海表氣不少衰叮嚀訓戒之語皆足垂範百世猶想見其道青鞵布鞵時也淳熙戊申五月己未笠澤陸某題

跋之罙先生橐

肩吾文忠公四世孫博學工文章與予蓋莫逆也  
晚來行在諸公貴人頗知之欲引置要津有毀之  
者肩吾既不偶乃調桂陽令去客姑蘇未繫舟暴  
疾一夕死哀哉嘉父健爲人肩吾沒後數年始以  
進士起家淳熙戊申秋社日放翁書

跋吳夢子詩編

山澤之氣爲雲降而爲雨勾者伸秀者實此雲之  
見於用者也予嘗見旱歲之雲乎嗟峨突兀起爲

放翁題跋

卷之二  
十二

汲古閣

奇峰足以悅人之目而不見於用此雲之不幸也  
君子之學蓋將堯舜其君民若乃放逐顛顛娛悲  
舒憂爲風爲騷亦文之不幸也吾友吳夢子橐其  
歌詩數百篇於天下名卿賢大夫之主斯文盟者  
翕然歎譽之末以示余余愀然曰子之文其工可  
悲其不幸可弔年益老身益窮後世將曰是窮人  
之工於歌詩者計吾吳君之情亦豈樂受此名哉  
余請廣其志曰窮當益堅老當益壯丈夫蓋棺事

始定君子之學堯舜其君民余之所望於朋友也  
娛悲舒憂爲風爲騷而已豈余之所望於朋友哉  
淳熙十五年十一月二十六日甫里陸某書

跋松陵集三

淳熙十六年四月二十六日車駕幸景靈宮予以  
禮部郎兼膳部檢察賜公卿食訖事作假會陵陽  
韓籍寄此集來云東都舊本也欣然讀之時寓甌  
街巷南小宅之南樓山陰陸某務觀手識

放翁題跋

卷之二  
十三

汲古閣

此集蔡景繁舊物復嘗歸韓子蒼子蒼之孫籍以  
遺予蓋百年前本也

景繁元豐中嘗爲開封推官此所題開封南司者  
是也景繁二子居厚居易此題居厚者其長也景  
繁臨川人而韓子蒼居臨川故得此書務觀手記

跋王仲言乞米詩

仲言貸米本自欲就魯肅輩人而良齋又戒以勿  
取陶胡奴米仲言治已可謂嚴而良齋告之亦可

謂忠矣數年來仲言以貧甚客長安中豪子資給  
殊厚今春忽捨去主人叩首乞少畱不可豈獨能  
踐初言亦不負良齋期待矣淳熙己酉四月二十  
七日陸某務觀書

跋金奩集

飛卿南鄉子八闕語意工妙殆可追配劉夢得竹  
枝信一時傑作也淳熙己酉立秋觀於國史院直  
廬是日風雨桐葉滿庭放翁書

放翁題跋

卷之二  
十四

汲古閣

跋韓非子

右韓非子一卷紹興丁卯先君年六十時傳吳棫  
才老本後四十有二年淳熙己酉某重裝而藏之  
時年六十有五月十九日史院東閣手識

跋却掃編

此書之作敦立猶少年故大抵無紹興以後事淳  
熙己酉十一月十四日書於儀曹直廬

跋彩選

紹興甲戌七月三日子宅過此彩選畢景丙子二月五日同季思訪務觀雲門山草堂復爲此戲子宅記

紹興十九年正月十有七日友人王仲言父自京江來以是書爲贈餘醺菴記

官制左右丞不爲平章事自侍郎拜者皆躡遷尚書此書蓋失之

子宅季思下世忽已數年予今年六十有七覽此

放翁題跋

卷之二  
十五

汲古閣

太息然予方從事金丹丹成長生不死直餘事耳後五百年過雲門草堂故趾思管作彩戲豈非夢邪紹熙元年上元日放翁書去子宅題字時三十年矣

跋陝西印章

紹熙庚戌正月十九日夜閣故書得此追思在山南時已二十年同幙惟周元吉閣才元章德茂張季長及余五人尚亡恙爾拊卷累欷放翁題

又十有五年當嘉泰之四年歲在甲子因暴書再觀則元吉才元德茂又皆物故數年矣季長在蜀累歲不得書存亡有不可知者而予年已八十感歎不能已八月十六日務觀書

跋詩彙

此子丙戌以前詩二十之一也及在嚴州再編又去十之九然此殘彙終亦惜之乃以付子聿紹熙改元立夏日書

放翁題跋

卷之二  
十六

汲古閣

跋祕閣續帖張長史率意帖

此一帖在故簽書樞密王倫家倫出使時得之故都予少日嘗見之紹熙改元五月甲子甫里陸某識時年六十有六距初見時四十有五年矣

跋王溪甫先生書簡

溪甫先生以治平二年七月二十八日卒而此卷末畚其弟容季書是年六月一日相距無兩月矣悲夫紹熙元年六月望陸某書

此書朝夕觀之使人若居嚴師畏友之間不敢萌  
一毫不善意

跋郭德誼墓誌銘

仲晦先生識郭公墓或恨其太簡然吾夫子銘季  
札曰於虜有吳延陵季子之墓財十字耳至今傳  
以爲寶彼賣菜求益之論可付一歎紹熙二年正  
月二十三日陸某謹書

又

放翁題跋

卷之二  
十七

汲古閣

顏魯公麻姑壇記東坡先生經藏記皆有大字小  
字兩本蓋用羊叔子峴山故事千載之後陵谷變  
遷尚冀其一存爾德誼之名固自不朽然吾元晦  
爲斯人計亦至矣豈希呂兄弟孝愛篤至有以發  
之邪紹熙二年正月壬申笠澤陸某識

跋郭德誼書

予童子時嘗避兵東陽山中距今六十年予長德  
誼三歲計其年可以相從而不及也觀此遺墨爲

之太息紹熙二年正月二十三日笠澤老漁陸某  
謹書

放翁題跋

卷之二  
十八

汲古閣

放翁題跋卷之二終

放翁題跋卷之三

跋後山居士長短句

唐末詩益卑而樂府詞高古工妙庶幾漢魏陳無  
已詩妙天下以其餘作辭宜其工矣顧乃不然殆  
未易曉也紹熙二年正月二十四日雪中試朱元  
亨筆因書

跋蘇氏易傳

此本先君宣和中入蜀時所得也方禁蘇氏學故  
放翁題跋

卷之三

汲古閣

謂之毗陵先生云紹熙辛亥七月二十日陸某識  
跋資暇集

吾家舊有此本先左丞所藏書字簡樸疑其來久  
矣首曰隴西李扈文濟翁編扈字猶成文也久已  
淪墜忽尤延之寄刻本來爲之愴然紹熙二年十  
一月二十九日陸某識

跋法帖

此本嘗見之清勁可愛及移之石乃爾失真拙工

誤人如此乾符元年十一月乃收元此云三月何  
邪蔡君謨用螭字穎字俱非是又何邪紹熙三載  
正月二十二日三山下漚亭書

又

魯公書殊不類紙乃煙熏周副之語尤俚俗羅紹  
威用羅氏世寶印犯唐諱益可疑跋語詩句亦鄙  
甚也君謨豈至是哉惟錢希白字奇古可喜然非  
題顏帖乃翦它軸附卷後耳

放翁題跋

卷之三

汲古閣

跋蘭亭樂毅論并趙歧王帖

某恭聞太宗皇帝天縱聖學跨軼百王萬幾之餘  
尤畱神翰墨文昭武穆世受筆法有若歧簡獻王  
得稿書之妙蓋其爲學上稽三代兩漢以象其高  
古下專以晉右將軍王羲之爲法以極其變化所  
藏魯公作文王尊彝伯禽祀文王之器紹聖間詔  
取藏祕閣宣和博古圖亦列於他周器上又政和  
中關中發地得竹簡皆東漢討羌書檄字作章草

好事者爭取而王獨多獲之則王之寤淡造微豈  
寒窶書生所及哉至蘭亭脩禊序樂毅論又王所  
愛玩天下名本王之於書名尊一代固無足異今  
周器漢札雖不可復見而脩禊序樂毅論如魯靈  
光歸然獨存意有神物護持非適然也王遺墨藏  
家廟者今雖僅存某嘗獲觀皆奇而超絕動心駭  
目往時米芾於書少許可獨推王以爲能學古人  
語在芾所著書畫史王之孫不流以從官長東諸  
侯懼書家不能盡見是奇蹟迺誣良工併刻樂石  
置會稽郡齋而屬某書其後惟王歷事累朝典司  
宗盟嘉言善行不可勝載文章尤長於詩有唐人  
餘風此特論其書而已紹熙四年正月辛卯中奉  
大夫提舉建寧府武夷山冲佑觀山陰縣開國男  
食邑三百戶陸某謹書

跋蔡肩吾所作蘧府君墓誌銘

蔡迨肩吾與予同官犍爲郡文辭字画皆過人自

蜀人吳持子書見友人許昌韓无咎无咎時爲吏部侍郎薦之甚力且有除命矣蜀士有排之者肩吾遂從銓部得桂陽令行至吳門暴死舟中每念之未嘗不流涕也不識肩吾者讀此文亦足知其不凡矣蘧昌老字真叟亦佳士蓋與肩吾爲方外友云紹熙癸丑立夏日笠澤陸務觀書

跋原隸

故吏部郎宇文卷臣所著卷臣爲郎數月坐口語

放翁題跋

卷之三  
四

汲古閣

亟去晚守臨卾廣漢有能名然亦以謗紕遂卒於家可哀也紹熙癸丑四月二十一日老學菴書

跋京本家語

本朝藏書之家獨稱李邯鄲公宋常山公所蓄皆不減三萬卷而宋書校讐尤爲精詳不幸兩遭回祿之禍而方策掃地矣李氏書屬請康之變金人犯闕散亡皆盡收書之富獨稱浙江繼而胡騎南驚州縣悉遭焚劫異時藏書之家百不存一縱有

在者又皆零落不全予舊收此書得自京師中遭  
兵火之餘一日於故篋中偶尋得之而蟲齧鼠傷  
殆無全幅綴緝累日僅能成秩乃命工裁去四周  
所損者別以紙裝背之遂成全書嗚呼予老嬾目  
昏雖不復讀然嗜書之心固未衰也後世子孫知  
此書得存之如此則其餘諸書幸而存者爲予寶  
惜之紹興戊午十月七日雙清堂書

後五十有七年復脫壞不可挾子聿亟裝緝之持

放翁題跋

卷之三  
五

汲古閣

以相示方先少保書此時某年十四今七十矣不  
覺老淚之濡睫也紹熙甲寅閏月四日第三男中  
大夫某謹識

跋李徂徠集

中野去魯歸周三詩可以追媿退之琴操而世不  
甚傳使予得見李公當百拜師之不特願爲執鞭  
而已紹熙甲寅六月二日書

跋劉文老使君義居遺戒

祥符中天子封禪講墜典以文太平詔求孝義之  
門於是天下以名聞者數十家遠不過十世獨吾  
鄉裘承詢自齊梁以來十九世如一日郡國莫先  
焉吾亡友劉文老歿當上一子世其祿而長子復  
辭以予其季蓋文老所未嘗命者於未嘗命者如  
此况其所命者乎將見世世守遺訓不墜十九世  
豈足道哉紹熙甲寅中秋日陸某識

跋無逸講義

放翁題跋

卷之三  
六

汲古閣

按實錄元祐五年二月壬寅邇英閣講畢無逸篇  
詔詳錄所講以進今後具講義次日別進壬寅是  
月七日也與此卷首所云面奏乞候講畢錄進乃  
不同恐當以此爲正紹熙五年八月十日陸某謹  
識

跋東坡帖

此碑蓋所謂橫石小字者邪頃又嘗見豎石本字  
亦不絕大數簡行筆尤竒妙可貴與成都西樓十

卷中所書郭熙山水詩頗相甲乙也紹熙甲寅十月二十三日務觀題

跋東坡祭陳令舉文

東坡前後集祭文凡四十首惟祭賢良陳公辭指最哀讀之使人感歎流涕其言天人子奪之際雖若出憤激然士抱奇材絕識沉壓擯廢不得少出一二則其肝心凝爲金石精氣去爲神明亦烏足怪彼憤憤者固不知也紹熙甲寅十二月二十九日笠澤陸某謹書

卷之二  
七

汲古閣

跋劉凝之陳令舉騎牛圖

公卿貴人方黃金絡馬傳呼火城中時欲如二公騎牛山谷蕭散遺物固不可得若子者仕旣齟齬及斥歸欲買一黃犢代步其費二萬有畸作欄蓄童又在此外遂一笑而止徒有此生猶著幾兩屐之歎乃知二公風流亦未易追也紹熙甲寅十二月二十九日陸某識

跋東坡七夕詞後

管人作七夕詩率不免有珠櫳綺疏憎別之意惟東坡此篇居然是星漢上語歌之曲終覺天風海雨逼人學詩者當以是求之慶元元年元日笠澤陸某書

跋張監丞雲莊詩集

虜覆神州七十年東南士大夫視長淮以北猶傖荒也以使事往者不復黍離麥秀之悲殆無以慰放翁題跋

卷之三

汲古閣

會父老心今讀張公爲奉使官屬時所賦歌詩數十篇忠義之氣鬱然爲之悲慨彌日慶元改元九月二十七日陸某書

跋淵明集

吾年十三四時侍先少傅居城南小隱偶見藤床上有淵明詩因取讀之欣然會心日且算家人呼食讀詩方樂至夜卒不就食今思之如數日前事也慶元二年歲在乙卯九月二十九日山陰陸某

務觀書於三山龜堂時年七十有一

跋陸史君廟籤

嘗者龐德公未曾入州府襄陽耆舊間處士節  
獨苦豈無濟時策終竟畏罹罟林茂鳥有歸水  
溪魚知聚舉家隱鹿門劉表焉得取

射洪陸史君廟以杜詩爲籤極靈余自蜀被召東  
歸將行求得此籤後四十年乃決意不復仕宦媿  
吾宗人多矣紹熙辛亥十二月十日山陰陸務觀  
放翁題跋

卷之二  
九

汲古閣

書

跋巴東集

予自乾道庚寅入蜀至淳熙戊戌東歸九年間兩  
過巴東登秋風白雲二亭觀萊公手植檜未嘗不  
悵然流涕恨古人之不可作也又十有七年慶元  
丙辰六月二十四日山陰陸某書時年七十二

跋呂侍講歲時雜記

承平無事之日故都節物及中州風俗人人知之

若不必記自喪亂來七十年遺老凋落無在者然  
後知此書之不可闕呂公論著實崇寧大觀間豈  
前輩達識固已知有後日邪然年運而往士大夫  
安於江左求新亭對泣者正未易得撫卷累歎慶  
元三年二月乙卯笠澤陸某書

跋許用晦丁卯集

許用晦居於丹陽之丁卯橋故其詩名丁卯集在  
大中以後亦可爲傑作自是而後唐之詩益衰矣  
放翁題跋

卷之三  
十

汲古閣

悲夫慶元丁巳六月四日放翁識

跋李涪刊誤

王行瑜作亂宗正卿李涪盛陳其忠必悔過及行  
瑜傳首京師涪亦放死嶺南疑卽此人也丁巳七  
月十六日識

跋歸去來白蓮社圖

予在蜀得此二卷益名筆規模龍眠而有自得處  
季子子聿手自裝褫藏之慶元丁巳中秋前三日

放翁識

跋釋氏通紀

予少時避兵東陽山中有沈師者丞相恭惠公之  
裔近有僧來往天衣山自言歐陽文忠公家今又  
得脩公所著釋氏通紀觀之則建炎樞臣盧公諸  
孫也近世不以世類求人名門大家散而爲方外  
道人者多矣如脩公旣棄衣冠猶能博學強記寓  
史氏法於是書亦賢矣夫慶元丁巳重九日放翁

放翁題跋

卷之三  
十一

汲古閣

陸某務觀識

跋毛仲益所藏蘭亭

龍乘雲氣而上天鳳凰翔於千仞吾見舊定本蘭  
亭其猶龍鳳邪慶元丁巳十一月二十日笠澤陸  
某務觀書

跋魏先生草堂集

按國史野陝人沈存中筆談以爲蜀人居陝州不  
知何所據也予在蜀十年亦不聞野爲蜀人筆談

蓋誤也慶元戊午得之書肆十月十九日龜堂病  
叟手識時年七十有四矣

跋王輔嗣老子

晁以道謂王輔嗣老子題曰道德經不析乎道德  
而上下之猶近於古此本乃已析矣安知其他無  
妄加竄定者乎慶元戊午十月晦書

跋前漢通用古字韻編

古人讀書多故作文時偶用一二古字初不以爲

放翁題跋

卷之三  
十二

汲古閣

工亦自不知孰爲古孰爲今也近時乃或鈔綴史  
漢中字入文辭中自謂工鈔不知有笑之者偶見  
此書爲之太息書以爲後生戒己未三月二十四  
日龜堂識

跋胡少汲小集

少汲之兄名僧孺字唐臣在元祐紹聖間亦知名  
士也少汲十詩中一篇所謂阿兄驚世才者是也  
周秀實名蔚予亡姑之子及與元祐前輩游紹興

十六七年猶亡恙有文集數十卷王性之作序少汲倡酬最多班班見於此集秀實有子名曇文者乃翁每稱其穎異自先少師捐館兩家相去地遠不復相聞每爲之惻愴於懷也因讀少汲小集併書之慶元己未七月一日老學菴書

跋曉師顯應錄

法華之爲書天不足以喻其大海不足以喻其深利根之士一經目一歷耳自不能捨雖舉天下沮放翁題跋

卷之三  
十三

汲古閣

之彼且不動尚何勸相之有哉然人之根性利鈍蓋有如天淵者善知識諄諄告語誘之以福報懼之以禍罰亦有不得已者譬之世法道德風化固足坐致唐虞三代之治矣而賞以進善罰以懲惡亦烏可廢哉觀曉師顯應錄者當作是觀慶元己未立秋日山陰陸某書

跋范巨山家訓

人莫不愛其子孫愛而不知教之猶弗愛也人莫

不思其父祖思而不知奉其教猶弗思也使爲人  
父祖者皆如范氏之先爲人子孫者皆如吾友巨  
山世其有不興者乎吾所謂興者天地鬼神與之  
鄉人慕之學者尊之是爲興不然雖門列戟床堆  
笏德弗稱焉何興之有巨山之子旣以文章擢高  
科公卿將相之儲也故予思廣其意而書其家訓  
後如此巨山父子不以予爲老悖則將有感也夫  
巨山名中立其子名薰慶元己未八月晦山陰陸

放翁題跋

卷之三  
十四

汲古閣

某謹書

跋張安國家問

東坡先生書遍天下而黃門公所藏至寡蓋常以  
爲易得雖爲人持去不甚惜也紫微張舍人書帖  
爲時所貴重錦囊玉軸無家無之今大宗伯兄弟  
目爲知己家書往來蓋以百計矣相稱相勉期以  
遠者亦何可勝計而今所存財五紙耳方紫微亡  
恙時豈亦以爲易得故多散逸邪某管者及爲紫

微客今老病臥家而大宗伯猶以世舊寄此卷命  
寓姓名於後某自浮玉別紫微三十六年之間摧  
顏抵此紫微若尚在而見之且不能識則大宗伯  
尚何取哉援筆至此慨然不知衰涕之集也慶元  
五年十一月戊申笠澤陸某書

跋坐忘論

此一篇劉虛谷刻石在廬山以予觀之司馬子微

所著八篇今管賢達之所某傳後學豈容置疑於

放翁題跋

卷之三  
十五

汲古閣

其間此一篇雖曰簡略詳其義味安得與八篇爲  
比兼既謂出於子微乃復指八篇爲道士趙堅所  
著則堅乃子微以前人所著書淵奧如此道書仙  
傳豈無姓名此尤可驗其妄予故書其後以祛觀  
者之惑己未十一月二十一日放翁書

跋唐盧肇集

子發嘗謫春州而集中誤作青州蓋字之誤也題  
清遠峽觀音院詩作青州遠峽則又因州名而妄

竄定也前輩謂印本之害一誤之後遂無別本可證真知言哉病馬詩云塵土臥多毛已暗風霜受盡眼猶明足爲當時佳句此本乃以已爲邑猶爲光壞盡一篇語意未必非妄校者之罪也可勝歎哉慶元庚申二月三日放翁燈下書

跋居家雜儀

王性之言熙寧初有朝士集於相藍之燒朱院俄有一人末至問之則王元澤也時荆公方有召命

放翁題跋

卷之三  
十六

汲古閣

衆人問舍人不堅辭否元澤言大人亦不敢不來然未有一居處衆言居處固不難得元澤曰不然大人之意乃欲與司馬十二丈卜鄰以其脩身齊家事事可爲子弟法也某聞此語六十年矣偶讀居家雜儀遂識之慶元庚申五月四日書

跋皇甫先生文集

右一詩在浯溪中興頌傍石間持正集中無詩詩見於世者此一篇耳然自是傑作近時有容齋隨

筆亦戴此詩乃云風格殊無可采人之所見恐不應如此或是傳寫誤爾慶元六年五月十七日龜堂書

跋南堂語

予入蜀時南堂入滅已久獨有一二弟子狂然皆破齋犯律諸禪皆詆訾之予亦以衆毀意薄其爲人及其歿也乃卓然穎脫人亦不得而議是誠未易測也庚申五月壬戌書於龜堂

放翁題跋

卷之三  
十七

汲古閣

跋注心賦

世之未通佛說者觀此亦得其梗槩矣慶元庚申七月庚申龜堂老人書

跋朱新仲舍人自作墓誌

秦丞相擅國十九年而朱公竄嶠南者十有四年僅免僵仆於炎瘴中耳以此胸中浩然無愧將終自識其墓辭氣山立向使公諂附以苟富貴至暮年世事一變方憂愧內積惟恐聞人道其平日常事

其能慨然奮筆自叙如此乎慶元六年秋社日陸  
某謹書

跋黃魯直書

老子曰豫兮若冬涉川猶兮若畏四鄰山谷此卷  
蓋有得於此慶元庚申重九日笠澤陸某書

放翁題跋

卷之三  
十八

汲古閣

放翁題跋卷之三  
終

